

IMAQARNILIAQ MAA - Meeqqanut Atuarfeqarnermullu Ataatsimiititaq 06-04-2022

Ulloq ataatsimiiffissaq Onsdag 06. april 2022 kl. 18:00

Ataatsimiiffissaq Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Paamiuni meeqquviup initaanik matoqqatitsinerup sivitsorneqarnissaa.....	6
Atuartunut Atuagarsornermik Pikkorilluinnartunut Pikkorissartarfik.....	9
Lukket.....	12
Taasariaqartut allat.....	13
Imaqarniliap akuerineqarnera.....	14

Punkt .: Saqqaa

Ilaasortat:

Juaaka Lyberth (IA), *siulittaasooq*

Poul Petersen (D), *siulittaasup tullia*

Mia Skifte Lynge (IA)

Finn Karlsen (N)

Dorthe-Marie Mogensen-Fontain (S)

Beslutning

Ataatsimeeqataasut tamarmik najuupput.

Punkt .: Oqaluuserisassat akuerineqarneri

Beslutning

Oqaluuserisassat akuersissutigineqarput.

Punkt .: Nalunaarutit

Beslutning

Siulittaasup nalunaarutai:

- Tasiilami nunaqarfiinilu ilinniartitsisussaaleqineq tusagassiortuniit piffissami kingullermi malinnaavigineqarpoq. Aasamut ilinniartitsisut 40-t amigaataalersussaanerat malinnaavigineqarneranut pissutaavoq. Tasiilaannarmi atuarfimmi ilinniartitsisut 30-t amigaataalersussaapput. Ajornartorsiutaasorli nutaajunngilaq, ingerlatsivimmiillu ukiut ingerlanerini sulisunik pilerinarsaanermut sulisoriinnarnissaannullu tunngasunik ukiut ingerlanerini suliniuteqartoqartarluni. Ilaatigut atuarfiup pisortaa aamma atuarfiup pisortaanut tullersortit marluk, atuarfimmi allatsit marluk oqalutsilu pingaarnersiukkat ilagivaat. Tamatuma saniatigut atuartut sulisullu angusarissaarnerulernissaannut Tasiilap atuarfiani suliniutinik arlalinnik ukiumi atuarfiusumi matumani aallartitsisoqarpoq. Matumani eqqaaneqarsinnaavoq suliniut Naussunguaq ilaatigut atuartut akornanni atugarissaarnerulernermik siunertaqartussa q kiisalu pikkorissartitsineq KRAP-imik taaguutilik atorlugu sulisut perorsaarnermik akuerisaasumut tunngasunik ilinniagaqalernissaannik siunertalik. Tamatuma saniatigut aqutsisooqatigiinni tamani aqutsisutut ineriartortitsinissaq aallartinneqarpoq.
- Qaammammi matumani nerriveeqqamik arsaararluni pissartanngorniunnerup ammaanersiornissaanut siulittaasoq aggersarneqarpoq.

Pisortamit nalunaarutit:

- Apriilip aallaqqaataaniit Susassaqartitsinermit, Peqqinnermit aamma Pitsaaliuinnermit immikkoortortat susassaqarfii Meeqqanut Atuarfeqarnermullu Ingerlatsivimmut nuunneqarput. Susassaqartitsinermit tunngasut immikkut immikkoortortanngortinneqarpoq, taavalu Peqqinnermit Pitsaaliuinnermullu tunngasut Ineriartortitsinermit immikkoortortamut nuutinneqarlutik, taamaalillutik suliassat ineriartortitsinermit tunngasut peqqinnerulernissamut pitsaaliuinnermullu tunngasunik ilaneqassapput.

Punkt 1: Paamiuni meeqqeriviup initaanik matoqqatitsinerup sivitsoorneqarnissaa

Beslutning

Inassuteqaat akuersissutigineqarpoq.



Paamiuni meeqqeriviup initaanik matoqqatitsinerup sivitsorneqarnissaa

Aalajangiiffigisassaq

SagsID.: EMN-2022-02527

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- matoqqatitsinerup sivitsorneqarnissaa akuerineqassasoq
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut akuersissutigisassanngorlugu ingerlateqqinneqassasoq

Suliamik saqqummiussineq

Meeqqerivik Mike Paamiuniittoq meeqqanut 3-niit 6-nik ukiulinnut 66-inik inissaqarpoq. Meeqqat ininut sisamanut agguataarsimapput. Meeqqanik paaqqinnittarfimmi sulisussat 15-inut inuttaligaapput, aqutsisoq ilanngullugu. 2021-mi aggustimi Kommunalbestyrelse meeqqerivimmi ininik matusigallarnissaq pillugu aalajangiivoq, meeqqat nalunaarsimasut 43-t kisimik nalunaarsimammata. Imatut aaqqiissuteqartoqarallarpoq, piffissami 1/9 - 31/12 2021-mut meeqqat 3-t aamma 6-it akornanni ukiullit 51-it inissaqartinneqarlutik. Meeqqat ininut pingasunut agguataarneqarput: Init marluk immikkut meeqqanut 18-inut inilu ataaseq meeqqanut 15-inut. Sulisut amerlassusiligaanerat sulisunut 12-inut appartinneqassaaq, aqutsisoq ilanngullugu.

Decembarimi 2021-mi nalilersuinermi kommunip perorsaanermik siunnersortai Paamiuni meeqqeriviit marluk suleqatigalugit paasivaat meeqqat Mike-mi allatsissimasut marsip tungaanut 49-50-iussasut. Tamanna Winformatikkimmi paasissutissanik tunuliaquteqarpoq aamma aqutsisut Paamiunut Paamiuniillu nuuttartut pillugit ilisimasaannit. Taamaattumik marsi 2022 ilanngullugu matoqqatitsinerup sivitsorneqarnissaa aalajangiunneqarpoq.

Ukioq manna marsip naanerani ingerlatsivimmit Paamiuni meeqqat amerlassusiat appariartoqqilersimasooq paasineqarpoq. Meeqqerivimmut utaqqisunut allattorsimaffimmiittoqanngilaq aamma inissamik qulakkeerineq periarfissaavoq naak illoqarfimmut nuuttuugaluaaraanniluunniit.

Suliasaqarfimmi perorsaanermi siunnersorti isumasioqatigalugu aamma Winformatik ikiortigalugu inernilliissutigineqarpoq ataatsimut isigalugu meeqqat 14-it meeqqerivimmiit AKO-mut aasaru nuussasut. Meeqqat 12-it meeraaqqerivimmiit meeqqerivik Mike-mut nuussapput. Taamaattumik Mike-mi inip ammaqqinneqarnissaa suli pisariaqartinneqanngilaq, taamaattumillu meeqqanut 51-inut amerlassuseqartinneqarnissaanik sivitsuinissaq innersuussutigineqarpoq. Paamiuni meeqqerivimmi inissanik amerlanerusunik pisariaqartitsisoqaaqqilerpat Ingerlatsiviup taamanikkussamat inip atoqqilerneqarnissaa siunnersuutigiumaarpaa.

Ingerlatsivimmit aningaasatigut sulisoqarnikkullu naliliinerit

Qaammatit tamaasa inip matoqqatinneqarnerani qaammammut 65.000 kr.-it missaanniittut sipaarutigineqarsinnaapput taakkulu isumaqatigiissutit atuuttut malillugit sulisut pingasut naligivai.

Akiliutigineqartunit annaasat 5.000 – 10.000 kr.-it missaanniissapput, meeqqat amerlassusiat aamma aki suna tunngaviunersoq apeqqutaatillugu, akiliutigineqartartoq isertitat malillugit annertussusilerneqartarmat.

Suliffeqarfimmut Kiffartuussivimmit aningaasatigut naliliineq

Pisariaqanngilaq.



Inatsisitigut tunngavissaq allakkallu tunngaviusumik uppersaatitalit

- Meeqqanut suli atualingitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. decembari 2012-imeersoq
- Kalaallit Nunaanni ulluunerani aamma ulloq unnuarlu paaqqinniffinni perorsaatut sulisut pillugit Kalaallit Nunaanni Naalakkersuisut aamma Nunatsinni Perorsaatut Kattuffiata akornanni ulloq 6. marsi 2021-mi isumaqatigiissutaat
- Ilinniarsimasut ilinniarsimanngitsullu aamma isumaginninnermi ikiortit nalunaaquttap akunnermusiallit pillugit Kalaallit Nunaanni Naalakkersuisut, Finansministeriap aamma Sulinermik Inuussutissarsiuteqartut Kattuffiata isumaqatigiissutaat 2. decembari 2019-imeersoq

Ilanngussaq

Soqanngilaq.

Punkt 2: Atuartunut Atuagarsornermik Pikkorilluinnartunut Pikkorissartarfik

Beslutning

Inassuteqaat akuersissutigineqarpoq ima ilassuteqaatitalerlugu:

Ukioq manna atuarfimmi ataatsimi misiligutitut suliniummik aallartitsisoqassaaq.

Suliassamik saqqummiussinermi kalaallisut qulequtaq iluarsineqassaaq allanneqalerluni "suliatigut", tassa oqaaseq "atuagarsornikkut" peerneqarluni.

Bilag

Notat om tilbud til fagligt stærke elever (Final)_2200548_KAL.docx

Fagligt stærke elever - Udkast til rammebeskrivelse_ENDELIG_2200547_KAL.docx



Atuartunut Atuagarsornermik Pikkorilluinnartunut Pikkorissartarfik

Aalajangiiffigisassaq

SagsID.: EMN-2020-30098

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- atuartunut atuagarsornikkut pikkorilluinnartunut pikkorissartarfiup ilusilerneqarnera akuerineqassasoq
- suliaq Aningaasaqarnermut Inuusutissarsiornermullu Ataatsimiititamat Kommunalbestyrelsimullu aalajangiiffigisassanngorlugu ingerlateqqinneqassasoq

Suliassamik saqqummiussineq

2021-mut missingesuutit isumaqatiginninniutigineqarmata politikkikkut kissaatigineqarpoq Kommuneqarfik Sermersuumi neqeroorutit, atuartitsinerup nalinginnaasup saniatigut kommunimi meeqqat atuarfiini tamani atuartunut atuagarsornikkut pikkorilluinnartunut, assigiaartut pilersinneqarnissaat.

Meeqqanut Atuarfeqarnermullu Ingerlatsivik tamanna tunngavigalugu siunnersuusiorpoq, kommunimi illoqarfinni atuarfintut arfineq-pingasunut atuartunut atuagarsornikkut pikkorilluinnartunut pikkorissartarfimmik immikkut ittumik pilersitsinissamat periarfissiisumik. Atuartut atuagarsornikkut pikkorilluinnartut matumani pineqartut tassaapput, atuagarsornerup iluani fagimi ataatsimi arlalinniluunniit immikkut pikkoriffillit, taakkulu pikkoriffiisa eqeersaavigineqarnerisigut nukittorsaavigineqarnerisigullu, kajumissuseqarlutillu piumassusillit, immikkut iliuuseqarnermikkut/periarfissinneqarnermikkulluunniit fagini ingerlalluarnissaminnik periarfissinneqarsinnaasut. Fagini pikkoriffik tassaasinnaavoq atuagarsorneq, pikkorissuuneq imaluunniit pilersitsisinnaaneq.

Tunngaviusumik illoqarfiit atuarfiini pikkorissaaviliortoqarnissaanik innersuussisoqarnera pissuteqarpoq, nukissaqarniarneq sulisoqarniarnerlu ataatsimut isigalugit nalilerneqarmat pikkorissaaviit taakkua illoqarfiit atuarfiinit akisussaaffigineqarnissaat naapertuunnerussasoq. Nunaqarfinni atuartut fagini pikkorilluinnartut taamaalillutik periarfissinneqassapput taakku Nuummi Tasiilamiluunniit illoqarfiit atuarfiini angajullerni atuarnerminni pikkorissaavinni peqataanissaminnut. Nunaqarfiit atuarfiini pissutsit ataasiakkaat periarfissaqartitsippata, taava atuartunut pikkorilluinnartunut pikkorissaavimmik tassani pilersitsisoqarsinnaavoq.

Matumani siunnersuummi, atuarfiup aqutsisui ataasiakkaat taakkuupput naliliisussat ukiumi atuarfiusumi tulliuuttumi atuartunut pikkorilluinnartunut pikkorissaavimmik pilersitsinissamat pisariaqartitsisoqarnerasoq. Ukiup atuarfiusup ingerlanerani akullerni aamma angajullerni atuartunut illoqarfiup atuarfiani atuartunut immikkut holdiliortoqarsinnaavoq trinnitit tamanit amerlanerpaamik 12-inut inissalimmik. Nunaqarfimmi atuarfik holdiliornissamik kissaateqassappat, taava atuarfimmi akullernut holdiliortoqarsinnaavoq amerlanerpaamik atuartunut 6-inut inissalimmik. Holdinut ataatsinut ilinniartitsisoq ataaseq attuumassuteqartinneqassaaq.

Atuarfiit ataasiakkaat sapinngisamik kiffaanngissuseqartinneqarnissaat, pikkorissaavinni perorsaanermit ilikkagaqarnissamullu tunngasut eqqarsaatigalugit, taakku najukkami pissutsinut atuarfinilu ataasiakkaani atuartut sullinneqartut periarfissinneqarnissaat atuarfeqarfinnut immikkoortoqarfimmit siunnersuutigineqartumi kissaatigineqarpoq. Pikkorissaaviit pillugit



naasuaasiordermi siunertarineqarpoq, pingaarnertut tunngavigineqartut aamma pikkorissaaviit sammisassanik ingerlatsinissaannut aqqiissuunneqarnissaannullu malittarisassat pituttuisut ikittuinnaat aalajangersarneqarnissaat. Taamaattorli atuarfiit pikkorissaavinni ingerlanneqareersunik atuarfinnut immikkoortoqarfik ingerlaavartumik malitseqartitsillunilu misissuisassaaq.

Pikkorissaavik siullermik misiligutaasumik suliniutitut atuarfimmi ataatsimi ingerlanneqarnissaa innersuussutigineqarpoq. Taanna tunngavigalugu misilittakkat pissarsiarineqarsinnaalissapput, siunissami neqeroorutip ilusaanut iluarsissuteqarnermut pitsanngorsaateqarnermulluunniit atorneqarsinnaasunik.

Atuarfinnut immikkoortoqarfiup siunnersuutaa atuarfinni aqutsisunut piffissami ulloq 9. marsimiit ulloq 23. marsimut 2022 tusarniaassutigineqartoq. Siunnersuummi iluseq imarisaaluunniit pillugit oqaaseqaateqartoqanngilaq.

Ingerlatsivimmit aningaasatigut sulisoqarnikkullu naliliinerit

Pikkorissaaviit ukiumi atuarfiusumi ataatsimi aningaasartuutigiumaagassaannik naatsorsuinermit pisariaqartinneqartut, tunngavissatut nassuiaammi imm. 10-mi nassuiarneqarput (ilangussaq 2). Pikkorissaaviitt ingerlanneqarnissaannut aningaasartuutaasussat tassaapput ilinniartitsisunut akissarsiat kiisalu ingerlatsinermi aningaasartuutit allat matussuserneqarnissaannut aningaasat.

Ingerlatsivimmit, ataatsimut aningaasartuutit, neqeroorutip tamakkiisumik illoqarfiit atuarfiini tamani atorneqarnerani, ukiumi atuarfiusumi 479,562,50-nik naleqassasoq nalilernerqarpoq. Nunaqarfinni atuarfiit arfineq-pingasut tamarmik pikkorissaaviinik tamakkiisumik atuneq missiliuunneqarpoq ukiumi atuarfiusumi ataatsimi 215.760 kr.-nik annerpaamik naleqassasoq.

Taamaattumik Kommuneqarfik Sermersuumi tamarmik pikkorissaaviit tamakkiisumik atorneqarnerisigut ukiumi atuarfiusumi ataatsimi aningaasartuutit ataatsimut katillugit 695.322,50 kr.-qassaaq. Aningaasat taakku massakut ingerlatsiviup missingersuutaani pigineqanngillat taamaattumillu 2023-mut missingersuutit isumaqatigiissutiginiarneqarnissaanut ilangunneqartussaapput.

Pikkorissaaviup misiligutaasumik suliniutitut illoqarfiup atuarfiani ataatsimi, atuartut peqataasinnaasut tamakkerlugit peqataaffigineqartumi, ukiumi atuarfiusumi ataatsimi ingerlanneqarnissaa katillugit 59.940 kr.-nik akeqassaaq. Misiligutaasumik suliniutigineqartumut aningaasartuutit missingersuutaareersut iluini akilernerqarsinnaavoq.

Suliffeqarfimmut Kiffartuussivimmit aningaasatigut naliliineq

Soqanngilaq.

Inatsisitigut tunngavissaq allakkallu tunngaviusumik uppersaatitalit

- Kommuneqarfik Sermersuumi 2021-mut missingersuutit isumaqatiginninniutigineqarnerat

Ilangussat

1. Kommuneqarfik Sermersuumi atuarfinni atuartut fagini pikkorilluinnartut pillugit suliniutinik misissuineq
2. Atuartunut fagini pikkorilluinnartunut pikkorissarfiup allaaserineqarnera

Punkt 3: Lukket

Punkt .: Taasariaqartut allat

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 15:18.